

LIGHTING PARADE BRILLANTE E AÑA AKI



ORANJESTAD(AAN):

Cu participacion di 7 grupo di Aruba Tivoli Club, 6 banda musical, College Gils Brassband di Hubo, 2 soundsystem, y cantidad grandi di roadpiece masha precioso, un ora largo para na un solo lugar, publico por a goza di e parada di luz di Aruba tivoli Club cu segun comentarionan tabata un di esnan mas bunita di ultimo añanan cu su mas o menos 500 participante.

E grupo di **Baraha di carta** cu su roadpiecenan di **Reina, Rey, As y Joker** tabata un preciosidad, y cu **Francie** y su **Superdancers** animando bailando dilanti.

E pieza cu a conquista corazon di tur hende tabata e **corona cu su trapi di reina juvenil di Aruba Tivoli Club, Jo-An Croes** cu diavierna a wordo eligi como reina di carnaval di

Aruba. Esaki tabata un di e roadpiecenan di mas bunita cu por a mira durante e parada aki.

Un preciosidad tabata tambe e pieza mistico cu e **pushi den luna, cigar y bala di cristal** cu a pasa despues di e roadpiece si **Halloween cu pampoen y spirito** entre otro di e grupo mistico.

Otro roadpiece cu a capta masha admiracion tabata di e **scorpion, tarantula, y cobra** cu Jozef y Dr. van Veen, mientras cu **Angela, Mrs. Carnival** di Tivoli tabata un imitacion casi completo di **Evita** den su grupo di **"Evita- don't cry for me Argentina"**.

Tras di su roadpiece a sigui e gauchonan cu a pertenece na e grupo aki di e parada. Aplauso tambe tabata tin hopi pa e piezanan di payaso, principalmente di e

clown haciendo acrobacia para riba su man.

Mientras cu e payasonan tabata pasando tabata acercando tambe e pieza di **Joyita, e saloon di cowboys** cu tabata hopi mas bunita cu su luznan compara cu den e parada di blaas, cu e joyita sobresaliendomas ainda.

E grupo cu a cera e parada tabata e grupo di **Playboy Girls y Bunnies** di Playboy cu a habri cu nan pieza di **dashi pushi simbolo di Playboy**.

Despues di a ricibi admiracion y elogio di mirones den Vondelaan, e parada a drenta den su fase di fiesta ora cu el a bira pa **Lloyd G. Smith Boulevard** y mas ambiente ainda a drenta den curpa di e participantenan y mirones **culminando despues den un fiesta gigantesco di luz**.

Un pabien grandi ta na su lugar sigur pa **Bibi Arends**



coordinador di e parada y cu ta un di esnan cu a traha cu alma y curpa pa exito di e

parada aki cu un biaha mas a conquista corazon di carnavalistanan di nos isla.